

19.08.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Naalakkersuisut siusinnerusukkut suliaq normumi 2024/12776 ilisimatitsissutigaaq aqqusinikkut angallannermut oqartussaaffiup tiguneqarnissaanut Transportministeriap nalunaarusiaa 3. kvartal 2024-mi naammassineqareersimassasoq, pigisanullu nalilinnut inatsisip tiguneqarnissaanut nalunaarusiaq august 2024-mi piareersimassasoq. Taakku marluk piffissamut killigititaasoq qangereersimavaat, nalunaarusiammi Inatsisartunit sulii tiguneqanngimmata, aalajangiiffigisassatummi siunnersuummi UKA2022/60 19. august 2022-meersoq. Aqqusinikkut angallannermut pigisanullu nalilinnut tunngatillugu Naalakkersuisut nalunaarusianik naammasseriikkaniq tigusaqareerpat?
2. Taakku nalunaarusiat marluk Inatsisartunut tunniunneqarnissaannut ulloq suna eqqortuua?
3. Suut alloriarnerit tigussaasut Naalakkersuisuniit alloriarfigineqarniarpat suliap ingerlanissaanut kinguarsaaqqinnissat pinngitsoortinniarlugit?
4. Akisussaaffiit taakku marluk tigunissaannut aningaasatigut allaffissornikkullu kingunerisassai naliliinerni ilaareerpat, aalajangiiffigisassatut siunnersuummi tunngavilersuutaasoq malillugu, taamaanngippallu – qaqugu taakku nammassineqarnissaat naatsorsuutigineqarpa?

(Inatsisartunut ilaasortaq, Kuno Fencker, Naleraq)

Tunngavilersuutit:

Aalajangiiffigisassatut siunnersuutip UKA2022/60-i akuersissutigineqarpoq qularnaarniarlugu nunatsinni angallannermut inatsisip nunanut nunap pissusaa silaannaallu pissusai aallaavigalugit, kiisalu qulakkeerniarlugu nunatsinni pigisanut nalilinnut inatsisip tiguneqarnissai malitseqarmata nunat tamalaat europamiullu akornanni taakkununga attuumassuteqartunik inatsisitigut ineriartornerit, tassuunakkut nunarput EU-p ataani nunatut isumaqatigiissutip avataani inissisimalinnginniassagatta.

Pingaarutilimmillu tigusiniarnermik tamat oqartussaaqataanerannik periarfissap pitsaasumik ingerlanneqarnissaa pillugu kinguaattooqattaarnerit piffissamik pilersaarummik aalajangersimasumik toraagaqanngitsut Inatsisartunut tatigiunnaarsaammata.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermit paatsuungasoqassatillugu kalaallisut allassimasooq aallaavigineqassaaq.